

# URODAY 3G GRANULES FOR ORAL SOLUTION

Fosfomycin Trometamol 5.631g (bersamaan 3g Fosfomycin)

## Apakah yang ada pada risalah ini

1. Apakah kegunaan Uroday
2. Bagaimana Uroday berfungsi
3. Sebelum menggunakan Uroday
4. Cara menggunakan Uroday
5. Semasa menggunakan Uroday
6. Kesan-kesan sampingan
7. Cara penyimpanan dan pelupusan Uroday
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP
11. Nombor siri

## Apakah kegunaan Uroday

Uroday digunakan untuk merawat jangkitan pundi kencing atau jangkitan saluran kencing yang tidak rumit dalam kalangan perempuan yang berusia 18 tahun dan ke atas.

## Bagaimana Uroday berfungsi

Uroday mengandungi bahan aktif *fosfomycin* yang dalam bentuk garam *fosfomycin trometamol*. Ia berfungsi dengan membunuh bakteria yang menyebabkan jangkitan atau mencegah pertumbuhannya.

## Sebelum menggunakan Uroday

### Bila tidak boleh mengambil

- Jika anda hipersensitif terhadap *fosfomycin trometamol* atau mana-mana bahan yang terkandung dalam Uroday
- pengambilan Uroday tidak disarankan jika anda mengalami kerosakan buah pinggang yang teruk (pembersihan kreatinin < 10ml/min).
- jangan gunakan ubat ini pada kanak-kanak yang berumur bawah 12 tahun.
- Uroday mengandungi gula: pengambilan Uroday tidak disarankan jika anda mempunyai masalah keturunan intoleransi fruktosa, dengan malabsorpi glukosa-galaktosa atau kekurangan sucrase-isomaltas.

- Uroday hanya boleh diambil semasa mengandung jika betul-betul diperlukan.
- Jangan mengambil Uroday jika anda menyusu, melainkan jika anda sangat memerlukannya.

### Sebelum mula mengambil

Jika anda mempunyai sebarang ketidakpastian, tanya doktor atau ahli farmasi anda sebelum mengambil produk ini.

### Jika mengambil ubat-ubat lain

Sesetengah ubat boleh mengganggu di antara satu sama lain apabila diambil Bersama Uroday. Ini termasuk

- *Metoclopramide* atau ubat lain yang boleh meningkatkan pergerakan makanan melalui saluran gastrousus kerana ia boleh mengurangkan penyerapan *fosfomycin* dalam badan dan mengurangkan keberkesanan Uroday.
- Antikoagulan, kerana kemampuannya dalam mencegah pembekuan darah mungkin boleh diubah oleh *fosfomycin* dan antibiotik lain

Pengambilan Uroday haruslah selang 2 - 3 jam daripada pengambilan ubat lain.

## Cara menggunakan Uroday

### Berapa banyak harus digunakan

Dos disyorkan adalah satu uncang Uroday (3g *Fosfomycin*)

Setelah mengambil Uroday, simptom dijangka bertambah baik dalam 2 atau 3 hari. Jika simptom anda tidak bertambah baik, sila jumpa doktor anda.

### Bila perlu digunakan

Uroday mesti diambil dengan perut kosong, sebaik-baiknya sebelum tidur, selepas mengosongkan pundi kencing.

### Berapa lama perlu digunakan

Ambil ubat ini mengikut arahan doktor anda.

### Jika terlupa menggunakan

Jangan mengambil dos yang berganda untuk mengganti dos yang terlupa.

### Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika anda atau sesiapa terlebih dos. Ini perlu dilakukan walaupun tiada sebarang kesan keracunan atau tidak selesai. Anda mungkin memerlukan perhatian perubatan segera.

Rehidrasi adalah disarankan supaya dapat mengeluarkan *fosfomycin* melalui air kencing.

## Semasa menggunakan Uroday

### Perkara yang perlu dilakukan

Larutkan satu uncang ke dalam segelas air (50 – 75ml) dan minum dengan segera selepas larut..

### Perkara yang tidak boleh dilakukan

- Jangan mula mengambil sebarang ubat baru tanpa berbincang dengan doktor atau ahli farmasi anda.
- Jangan memberi ubat ini kepada orang lain walaupun simptom mereka serupa dengan anda.

### Perkara yang perlu diberi perhatian

- Uroday boleh menyebabkan pening dan ini akan mempengaruhi keupayaan memandu atau mengendalikan mesin.
- Reaksi alahan boleh berlaku semasa rawatan dengan *fosfomycin* dan boleh mengancam nyawa. Jangan mengambil Uroday jika reaksi ini berlaku. Sila dapatkan rawatan perubatan daripada doktor anda.
- Sekiranya cirit-birit yang teruk dan berterusan berlaku semasa atau selepas rawatan antibiotik, beritahu doktor anda supaya terapi yang sesuai dapat dimulakan dengan segera. Jangan mengambil ubat cirit-birit yang menghalang pergerakan usus (*antiperistaltics*).

# URODAY 3G GRANULES FOR ORAL SOLUTION

Fosfomycin Trometamol 5.631g (bersamaan 3g Fosfomycin)

## Kesan-kesan sampingan

Kesan sampingan yang paling biasa ialah kesan-kesan yang menjejaskan gastrousus, terutamanya cirit-birit.

Kesan sampingan lain:

Kerap (mungkin menjejaskan sehingga 1 dalam 10 pengguna):

- jangkitan di faraj dengan gejala seperti keradangan, kerengsaan, rasa gatal (*vulvovaginitis*)
- sakit kepala
- pening
- cirit-birit
- loya
- ketidakhadaman
- sakit perut

Tidak kerap (mungkin menjejaskan sehingga 1 dalam 100 pengguna):

- muntah
- ruam
- geligata
- gatal-gatal

Tidak diketahui (kekerapannya tidak dapat dianggarkan daripada data yang sedia ada)

- reaksi alahan yang mengancam nyawa: serangan ruam secara tiba-tiba, gatal-gatal pada kulit, sesak nafas, berdehit atau kesukaran bernafas (*anaphylactic shock*);
- bengkak muka, bibir, lidah atau tekak dengan kesukaran bernafas (*angioedema*);
- kejang perut yang ringan hingga teruk, najis berdarah dan / atau demam (*antibiotic-associated colitis*)

Jika mana-mana kesan sampingan menjadi serius, atau sekiranya anda mengalami kesan sampingan lain yang tidak dinyatakan di risalah ini, sila maklumkan kepada doktor atau ahli farmasi anda.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web [npra.gov.my](http://npra.gov.my) [*Consumers* → *Reporting Side Effects to Medicines (ConSERF) or Vaccines (AEFI)*].

## Cara penyimpanan dan pelupusan Uroday

### Penyimpanan

Jauhi semua ubat daripada kanak-kanak.

Simpan dibawah suhu 30°C. Gunakan sebaik sahaja dibuka/dibancuh dengan air. Untuk sekali kegunaan sahaja. Sila buang baki yang tidak digunakan.

### Pelupusan

Ubat-ubatan tidak seharusnya dilupuskan melalui air atau sisa isi rumah. Tanya doktor atau ahli farmasi anda cara-cara pelupusan ubat-ubatan yang tidak lagi diperlukan. Langkah-langkah ini dapat membantu melindungi alam sekitar.

## Maklumat lanjut

### Rupa dan warna produk

Rupa: Serbuk putih dalam sachet.

Bau: Oren, limau tangerine.

Rupa bancuhan: Sebati dan legap dengan bau oren dan limau tangerin.

Setiap uncang berisi 5.631 g *fosfomycin trometamol* bersamaan dengan 3 g *fosfomycin* sebagai bahan aktif.

URODAY boleh didapati dalam saiz pek 1 uncang/kotak.

### Bahan-bahan kandungan

- Bahan aktif  
*Fosfomycin Trometamol*
- Bahan tidak aktif  
Gula, *sodium saccharin*, aerosil 200, perasa oren dan perasa mandarin.

### Nombor MAL

MAL\*\*\*\*\*

### Pengilang

Neutec İlaç San. Tic. A.Ş.

1. Organize Sanayi Bölgesi

1. Yol No: 3 ve 2 Yol No:2

Arifiye/Sakarya/Turkey

## Pemegang Pendaftaran Produk

Averroes Pharmaceuticals Sdn. Bhd.  
03-08-01 & 03-09-01, Block 3, Presint Alami, Worldwide Business Centre II, Persiaran Akuatik, Seksyen 13, 40100 Shah Alam., Selangor, Malaysia

## Tarikh kemaskini RiMUP

03/01/2024

## Nombor siri

NPRA (R2) 23/040